



Kirkjubæjarklaustur 07. október 2015

Umsögn f.h. Skaftárhrepps

140. mál frumvarp til laga um náttúruvernd

Skaftárhreppi hefur borist erindi frá nefndasviði Alþingis dags. 24. september s.l. þar sem óskað er umsagnar sveitarfélagsins á frumvarpi til laga um náttúruvernd.

Sveitarstjórn Skaftárhrepps tekur undir umsögn umhverfis- og náttúruverndarnefndar er varðar 10. grein frumvarps til náttúruverndarlaga og snýr að heimild til að tjalda.

Lagt er til að 3. mgr. (sem nú er 22. grein náttúruverndarlaga) orðist svo: „*Utan þéttbýlis skal einungis nota tjaldvagna, fellihýsi, hjólhýsi, húsbýla og annan sambærilegan búnað á skipulögðum tjaldsvæðum, nema með sérstöku leyfi.*

En seinni hluti setningarinnar, „*... og svæðum á óræktuðu landi sem tengjast vegum sem heimilt er að aka og þar sem ekki er hætt á skemmdum á náttúrunni.*“ verði felldur niður.

Rökstuðningur þessa er að næturdvöl veldur ónæði fyrir landeigendur og ferðamenn, óþrifnaði vegna úrgangs, ásamt aukinni eldhættu á viðkvæmum landssvæðum. Jafnframt býr náttúra Íslands yfir ýmissi vá til dæmis jökulhlaup, eldgos, öskufall og óveður. Komi til slíkra náttúruhamfara þurfa viðbragðsaðilar að rýma landssvæði hratt og örugglega og erfitt er að tryggja öryggi þeirra sem dveljast utan merktra svæða.

Virðingarfyllt

Sandra Brá Jóhannsdóttir

Sveitarstjóri Skaftárhrepps